



UNIVERSITÄTS-
BIBLIOTHEK
PADERBORN

Universitätsbibliothek Paderborn

Par Sanctorum Svibertus & Plectrdis

Gelenius, Aegidius

Coloniae, 1640

Reverendissimo et Illvstrissimo Viro Domino Fabio Chisio, ...

urn:nbn:de:hbz:466:1-9556

REVERENDISSIMO ET ILLVSTRISSIMO VIRO
Domino

FABIO CHISIO, DEI ET APO-
STOLICÆ SEDIS GRATIA EPISCOPO
Neritonensi, Sanctissimi Patris ac Domini N. VRBANI VIII. Præ-
lato Domestico & Assistenti, Illiusque & prædictæ S. Sedis
ad tractum Rheni, & partes Germaniæ cum potestate
Legati de latere Nuncio Apostolico, Domino
suo Clementissimo &c.

FAVSTVM ADVENTVM ET FÆLICIA ANNI AVSPICIA.



Ratulari decet, me quidem Inferiori nostra Germania, maxi-
mè Colonienſi Archidiœceſi, Illas vero Tuae Celſitudini, Reve-
rendiſſime & Illuſtriſſime Domine, de fœlici in has partes ad-
uentu, ſiquidem meam ſalutem in Earum ſalute ſcio conti-
neri, Illis vero Sanctiſſimi D. N. Urbani cura Paterna ac Pa-
ſtoralis ſollicitudo peculiaris eſſe debet quam gratiſſima. Qua
vtraque in Tuo aduentu eximie commendantur.

Advenit enim Celſitudo Tua commendata geſtarum rerum ac Legationum obita-
rum gloriâ, generis ſplendore, & illuſtri claritate, & ex utriſque natâ eſtimatione
& famâ. Siquidem poſt Doctorem in Philoſophiâ, utroque Iure, & Theologiâ lau-
ream, & profeſſionem in Collegio Univerſalis ſtudiij Senenſis, in Diœceſi Ferrarienſi
Vice-Legationis Apoſtolice, & commiſſione armorum ſtatus Eccleſiæ, juridiçtio-
numq; & Conſinium cum Veneto Dominio, ac deinceps in Melitenſi Inſulâ amplio-
ribus officiis perfunctâ, venit à S. Sede directâ, graviſſimis & maximis inſtructa mo-
mentis, Experienciâ & Claritate. Et quidem Illuſtre Genus Celſitudinis Tuae noſſe
poſſunt, quibus collibuit vel obiter Senenſium in Italiâ Tuâ res inſpicere, ij enim à qua-
dringentiſ retro annis CHISIORVM nomen & potentiâ in monumentis Senenſibus
legunt, Maioresque Tuos Maciaretto, ac poſtea Portui Herculis, alijsque cum in Di-
rectione Pontificiâ, tum Neapolitano in Regno Oppidis ampliſſimè dominatos fuiſſe.
Anſelmum quoque de Maciaretto CHISIVM ante quatuor ſacula Equitè Friderico
Caſari militaſſe, alios, alijs locis, ac temporibus præclarè, & Gente ſuâ digna geſiſſe, à
quibus continuâ quâdam virtutis & gloriæ veluti per manus traditione manet hoc
Gentis Tuae decus, in hanc ætatem propagatum viget, floretque, ac, ut roremus, porro
florebit.

Et ſanè ita oportere, perpetuamque quandam claritatem Genti Tuae deberi perſua-
det nobis illius in ſedem Apoſtolicam peculiaris pietas, illuſtris magnificentiâ, & ſtu-
dium æternum.

Declarauit id cum ingenti sui aui admiratione, supra centum ab hinc annos Augustinus CHISIVS, qui Roma ad portam Septimianam Regium struxit Palatium, Raphaëlis Vrbis, aliorumque praestantium virorum picturis & statuæ famosum. Augustinus hic Leonem X. cum multorum Cardinalium Augustissimo Collegio tanto splendore conuiuii saepius excepit, quanto hac ætate nemo facile præstabit. Declararunt alij pari animo, pari gloria ex eadem Domo, ut mirari non libeat, mutuam Romanorum Pontificum erga Tuam Gentem beniuolentiam ac gratiam, Siquidem Iulius Pontifex CHISIORVM Domum sic adamauit, ut suam stirpi inserendam putaret, & sanè suæ familiæ signis eam donauit. Paulus III. CHISIORVM suburbanum Palatium, le Volte vulgo dictum, cæteris Senarij Prætorij præferendo hospitium habuit, ac Celsitudinis Tuæ Pro-Patrum Pandulphum de CHISIIS Cauillacensis Sedis creauit Præsule. Thiaræ, Mirræ, Gate-ri, sancta sunt ab Ecclesiâ accepta beneficia: Dicam verò sanctiora Ecclesiæ reddita. Multis nempe aureorum annue millibus fundatum Semis per CHISIOS. Nobiliū Virginum Asceterium, de Refugio appellatum, & Romanobilissima Sacella B. M. V. de Pace, atque B. M. V. de Populo, alia Senis, alibique. Ac ne qua laus deesset vndique gloriosæ CHISIORVM Genti, vitæ sanctimoniam Diui Augustini Ordinem illustrauit B. Ioannes CHISIVS sub annum M. CCCCL. à morte miraculis clarus, & incorruptus. Beato hoc Comite Celsitudo Tua scilicet aduenit, & aduenientem Diui nostri, Diuum Genus gratulantes excipiunt Optimum ab Optimâ Sede missum.

Ne autem dubitandi sit locus de excipientium affectu, vltro ad te duo eorum numero gratulatum adueniunt, non sine mysterio. Sanctus & Sancta, Canonizatus, & tanto honore adhuc dum carens, ne vel sexus vllus conditione vlla officio defuisse noscatur. Sunt hi S. Svibertus Episcopus, alias scriptus, modo defensus, & B. Pletrudis Princeps, & si rem spectes, Regina saepe nominata, modo ex monumentis confirmata. Ille extra urbem in Insulam Rheni Caesaris dictam, utrimque positus Populis ad Ortum & Occasum Beneficus intendit. Illa in urbe nostrâ, ipsoque Capitolio, Romani, ut olim res erant, emulo, à se vero in sacrum Asceterium conuerso, Vrbi cui præfuit, consulere pergit.

Hi Te vice omnium, & nostrâ ineuntis Anni M. DC. XL. auspicijs faustis excipiunt & Millenarium, à quo floruerunt, scilicetissimum apprecantur, optimo omine, & imitatione Patrum Societatis IESV, qui eundem secularem, & Iubileum annum habent suæ Religionis à Paulo III. Pontifice Opt. Max. & CHISTAE, ut dixi, Gentis amicissimo, confirmata, Dabat Colonia. Calend. Ianuarij 1640.

Celsitudinis Tuæ

Deuotissimus Cliens.

Aegidius Gelenius Protonot. Aplicus.